

Transkription von Urkunde SAW 1500a

Ort, Datierung: Salzwedel, 1500-01-13

Signatur: Stadtarchiv Salzwedel, 125/17b

Inhalt: Hans Groteian: Verkauf Rentenbrief an Stadt Salzwedel

Ick Hans groteian In der Nigenstad to Soltwedel wanhafftich Bokenne openbar mit dussem briue tugende vor my / myne Eruen vnd sust voralsuem(e) de en sehn horen offte lesen werden dat ick mit weten willen vnd vulbord / to eynen gantzen rechtenkope vorkofft hebbe vorkope ock in vnd(e) mit Crafft dusses mynes briues dem Ersamen Rade der olden Stad to Soltwedel vnd or(e)n nakomelingen vnd ock dem hebber dusses mynes vnd duss(es) / nabororden brifes mit or(e)n willen Eynen vorsegelden brieff van den Duchtigen henni(n)ge vnd(e) ffrederick van Jet/ze broder(e)n up dat kroch huesz bynnen der Vese an dem(e) orde to der vorder(e)n Hand so men van Soltwedel to In/ku(m)met bolegen mit allen syne(n) tobehoringe(n) den to der tid des ersten kopes bowanende Titke firow vnd itzum=/me hanz tornow bowanet up negen scepel roggen Jarlikes paches mynen zeligen vader vnd(e) synen Eruen(e)n / vorscreuen vnd vorsegelt vor Twintich marck pen(ninge) Soltwedelscher weringe houedsu(m)men so de brieff Inhol=/det So dat de sulffte Ersame Raed den brieff mit den Jarliken renten vnd houedsu(m)men gentzlick heb=/ben vnd in or(er) Stad nu̇t vnd framen keren vnd wenden mogen wur id on boquem(e) sy Ick vnd(e) myne Erue(n) / willen on ock des kopes vnd(e) briues eyne recht were syn voralsuem(e) des to bekantnisse hebbe ick hanz / groteian upgnom(e)t vor my vnd myne Eruen myn Ingeseigel witliken hangen heten an dussen brieff de / gegeue(n) isz na Cristi vnser Her(e)n gebord veffteyennhundert Jar(e) Am Mandage des Achten dages na Epi=/phanie domi(ni) /